

ქრისტე მაცხოვრის საკათედრო ტაძარში გაიმართა პანელური დისკუსია თემაზე „ახალი სამყარო და ქრისტიანული ცივილიზაცია“



სსკგ-ის კომუნიკაციის სამსახური, 20.10.2025. 2025 წლის 16 ოქტომბერს, მოსკოვისა და სრულიად რუსეთის პატრიარქ კირილეს ლოცვა-კურთხევით გამართულ XI საერთაშორისო მართლმადიდებლური მედია ფესტივალის, „რწმენა და სიტყვა“, ფარგლებში მოსკოვში, ქრისტეს მაცხოვრის საკათედრო ტაძრის საეკლესიო კრებების დარბაზში, ფესტივალის პირველი თემატური ღონისძიება – პანელური დისკუსია თემაზე „ახალი მსოფლიო და ქრისტიანული ცივილიზაცია“ ჩატარდა.

დისკუსიის მონაწილენი იყვნენ: ვოლოკოლამსკის მიტროპოლიტი ანტონი, მოსკოვის საპატრიარქოს საგარეო საეკლესიო კავშირების დეპარტამენტის თავმჯდომარე; ვ.რ. ლეგოიდა, საზოგადოებასთან და მედიასთან ეკლესიის ურთიერთობის სინოდალური განყოფილების თავმჯდომარე; ემირ კუსტურიცა,

იუგოსლავიელი და სერბი კინორეჟისორი, კომპოზიტორი, პროზაიკოსი, მსახიობი და პროდიუსერი; ა.ი. დენისოვი, რუსეთის ფედერაციის სენატორი და ფედერაციის საბჭოს საერთაშორისო ურთიერთობების კომიტეტის თავმჯდომარის მოადგილე; ვ.ა. ფადეევი, საზოგადო მოღვაწე, ჟურნალისტი, რუსეთის ფედერაციის პრეზიდენტის მრჩეველი და სამოქალაქო საზოგადოებისა და ადამიანის უფლებების საპრეზიდენტო საბჭოს თავმჯდომარე; ა.ვ. ჟურავსკი, ისტორიკოსი, რელიგიათმცოდნე, რუსეთის ფედერაციის პრეზიდენტის სამმართველოს უფროსის მოადგილე საზოგადოებრივი პროექტების საკითხებში; ფ.ა. ლუკიანოვი, საერთაშორისო ჟურნალისტი, პოლიტოლოგი, ჟურნალის – «Россия в глобальной политике» – მთავარი რედაქტორი.

დისკუსიას უძღვებოდა ი.ა. კუზმენკოვი, ეკლესიის საზოგადოებასა და მედიასთან ურთიერთობის სინოდალური განყოფილების თავმჯდომარის მოადგილე, რადიოსადგურ «Вера»-ს მთავარი რედაქტორი, ი.ა. კუზმენკოვი, – იტყობინება «Патриархия.ru» ეკლესიის საზოგადოებასა და მედიასთან ურთიერთობის სინოდალურ განყოფილებაზე დაყრდნობით.

დისკუსიის დაწყების თეზისად ი.ა. კუზმენკოვის შეთავაზება იყო იდეა ფასეულობების შესახებ, როგორც ცივილიზაციებს შორის საზღვარი: „დღეს გლობალური ნაპრალები გადის არა იმდენად სოციალურ და ტერიტორიულ კონცეფციებზე, რამდენადაც ზნეობრივ გამოწვევებზე – მორალის მეშვეობით, ანუ იმის მიხედვით, თუ როგორი დამოკიდებულება აქვს საზოგადოებას იმასთან მიმართებით, რასაც განზოგადოებულად ტრადიციული ფასეულობები ჰქვია, ჩვენი გაგებით კი, ქრისტიანული ფასეულობები“. მისი აზრით, „რელიგიური დღის წესრიგი მსოფლიო პოლიტიკის მწვერვალზე დაბრუნდა და, შესაძლოა, გლობალური კონფლიქტების ცენტრშიც“.

ვოლოკოლამსკის მიტროპოლიტმა ანტონიმ, პოლიტიკური და კულტურული დისკურსის ტრანსფორმაციის შესახებ კითხვაზე პასუხის გაცემისას, ყურადღება გაამახვილა ეკუმენური ინსტიტუტების დონეზე დებატების ცვლილებებზე, რომლებშიც ადრე რუსეთის მართლმადიდებელი ეკლესია აქტიურად მონაწილეობდა. მისი თქმით, დღეს, ეკლესიათა მსოფლიო საბჭოს პლატფორმაზე წამოჭრილი საკითხების მნიშვნელოვანი ნაწილი, დისკუსიების თემისა და ლოგიკის მიუხედავად, თანამედროვე სამყაროში სექსუალური გადახრების ნორმად და ღირებულებად მხარდაჭერის იდეას ეხება.

მიტროპოლიტმა ანტონიმ ასევე აღნიშნა, რომ საზღვარგარეთ რუსეთის მართლმადიდებელი ეკლესიის სასულიერო პირები და მრევლი ხშირად განიცდიან უზარმაზარ იდეოლოგიურ ზეწოლას, მათ შორის საგანმანათლებლო სივრცეში, სადაც არატრადიციული და ამორალური გადახრები ბავშვებისთვის განკუთვნილ დამხმარე სახელმძღვანელოებში წარმოჩენილია როგორც ლეგიტიმური პრაქტიკა. ამასთან დაკავშირებით, იგი სამწუხარო დასკვნამდე მივიდა: მისი აზრით, ეს პროცესი კიდევ უფრო გაძლიერდება, ხოლო ადამიანთა სულებისთვის ბრძოლის ველი – გაფართოვდება.

განაგრძო დისკუსია და თანამედროვე კულტურის პერსპექტივებზე ისაუბრა ემირ კუსტურიცამ. მან გამოთქვა მოსაზრება, რომ ევროპულმა ცივილიზაციამ დაკარგა ისტორიული შანსი იმის გამო, რომ უარი თქვა კულტურის რელიგიურ ფუნდამენტზე. რუსეთში კი, პირიქით, მისი აზრით, კულტურა აღორძინებას განიცდის და ახალ პერსპექტივებს ხსნის ქრისტიანული ღირებულებების აღიარების წყალობით. მან

აღნიშნა, რომ კინომატოგრაფიას და, უფრო ფართოდ, თანამედროვე კულტურას, შეუძლია არსებობა შეინარჩუნოს სიყვარულის, იმედის და, მაგალითად, ხატუნერის უნივერსალური ენის წყალობით – ეს ყველაფერი გასაგებია მსოფლიოს ნებისმიერი კუთხის აუდიტორიისთვის: სერბეთშიც, რუსეთშიც, არგენტინაშიც, სადაც მრავალფეროვანი აუდიტორია ერთნაირად დადებითად რეაგირებდა ემირ კუსტურიცას ფილმებზე.

სენატორმა ა.ი. დენისოვმა, თავის მხრივ, აღნიშნა, რომ ღირებულებებზე დისკურსი უცვლელად აქტუალურია საერთაშორისო ურთიერთობებში. მას მიაჩნია, რომ მნიშვნელოვანია, მსოფლიო ხალხების ღირებულებები იყოს თანმიმდევრული და დიპლომატიის გზით ერთმანეთს ავსებდეს, რაც საზოგადოებებს მათი საკაცობრიო მნიშვნელობისა და არსის გააზრებამდე მიიყვანს.

დისკუსიას მხარი დაუჭირა ფ.ა. ლუკიანოვმა, რომელმაც აღნიშნა: „თანამედროვე სამყარო უკიდურესად მრავალფეროვანია; ის ექვემდებარება მარტივ წრფივ განლაგებას“. მისი აზრით, მსოფლიო არ იყოფა ტრადიციულ ღირებულებების მხარდამჭერებად და მათ მონინალმდეგებად – ეს სქემა ვერ ჯდება საერთაშორისო ურთიერთობების კონტექსტში, სადაც სრულიად განსხვავებული კულტურები და ღირებულებები არსებობს. მისი შემოთავაზება იყო ქვეყნის რაგვარობაზე მუშაობა, სადაც გარეგნული იერსახე მეორეხარისხოვანი იქნებოდა პოლიტიკური სისტემის რეალურ შინაარსთან მიმართებით: „ჩვენ არ უნდა დავექვემდებაროთ იმის სურვილს, რომ გარეგნულად კარგად ვჩანდეთ“.

თანამედროვე მსოფლიოს ღირებულებებზე აზრი გამოთქვა ვ.რ. ლეგოიძამ და აღნიშნა, რომ ფილოსოფიური თვალსაზრისით, ზოგადსაკაცობრიო ღირებულებების არსებობის საკითხს არ აქვს ერთიანი გადაწყვეტა, უფრო მეტიც, შეიძლება ითქვას – გადაუჭრელია, რადგან თითოეულ კულტურას აქვს საკუთარი უნიკალური ღირებულებითი ვერტიკალი. „მსოფლიოს ტრადიციული რელიგიების წარმომადგენლების თანაარსებობის ერთ-ერთი პარადოქსი ის არის, რომ მსოფლიო რელიგიების აქსიომატიკა, ან იმ რელიგიების, რომლებსაც სულ ცოტა ხნის წინ მსოფლიო რელიგიებად მოიხსენიებოდნენ, არსებითად შეუთავსებელია. მაგრამ პარადოქსულად, როგორც კი მორალურ საკითხებსა და ქცევით ნიმუშებზე გადავდივართ, მსოფლიოს ტრადიციული რელიგიები გასაოცარ მსგავსებას ავლენენ. მაგრამ ხაზს ვუსვამ: არა მრწამსში, არა დოგმატიკაში, არამედ ურთიერთობის საკითხებში. ზნეობის ოქროს წესი პარადოქსია, რომელიც განაგრძობს ადამიანური ურთიერთობების ცოცხალი ქსოვილის კვებას“, – განაცხადა ეკლესიის საზოგადოებასთან და მედიასთან ურთიერთობის სინოდალური განყოფილების თავმჯდომარემ.

დისკუსიაში გაუღერებულ თეზისს, ღირებულებათა წინააღმდეგობის შესახებ მსოფლიო რუკაზე, გამოეხმაურა ა.ვ. ჟურავსკი, რომელმაც აღნიშნა, რომ ნებისმიერი საერთაშორისო კონფლიქტი დაკავშირებულია მომავლის კონცეფციასთან, რომელიც ეროვნულ კულტურაში ყალიბდება.

თავის მხრივ, ფ.ა. ლუკიანოვმა აღნიშნა, რომ პოლიტიკაში მორალიზმი ხშირად ინვესს ღირებულებების, როგორც საშუალების, ექსპლუატაციას – პოლიტიკური ინტერესების შესაფუთად ან ასეთი ინტერესების უხეში პოპულარიზაციისთვის სხვა ქვეყნებში.

ვ.ა. ფადეევა გააზიარა საკუთარი მოსაზრება ახალი მსოფლიოს გააზრების შესახებ: „როდესაც ამბობენ „ახალი მსოფლიო“, მასთან აკავშირებენ უპრეცედენტო ტექნიკურ პროგრესს, ახალ საინფორმაციო სამყაროს, სოციალური ქსელების, გაფუჭების და ახლა უკვე ხელოვნური ინტელექტის სამყაროს. ეს არ არის ახალი მსოფლიოს დასაწყისი; ეს არის ძველის დასასრული. ეს არის, როგორც მე ვუნოდე, ძველი სამყაროს ქვითინი“. პ. სოროკინის თეორიულ მიდნეებზე დაყრდნობით, მომხსენებელმა მიუთითა დასავლური ცივილიზაციის პოტენციალის ამოწურვაზე, რასაც ადასტურებს ორიენტირების დაკარგვა, სიკეთისა და ბოროტების გარჩევის უუნარობა; ოჯახის, როგორც კაცისა და ქალის კავშირის, დაშლა; საზოგადოების ატომიზაცია და ა.შ.

ვოლოკოლამსკის მიტროპოლიტმა ანტონიმ გააზიარა თავისი მოსაზრება მართლმადიდებლური ჟურნალისტიკის მნიშვნელობაზე, როგორც სიყვარულის შესახებ სახარებისეული კეთილუნეების გაზიარების საშუალებაზე: „ერთი, ორი და სამი ადამიანის ფერისცვალებას თანდათანობით საზოგადოების ფერისცვალებამდე მიყვავართ. და რაც მეტი მორწმუნე იქნება საზოგადოებაში, ვისთვისაც ქრისტიანობა არა იმდენად ტრადიციული კუთვნილებისთვის, ჩვენი ეროვნული კულტურული კოდისთვის გაღებული ხარკი იქნება, არამედ – მათი ცხოვრების წესი. მაშინ, უდავოდ, მთელი საზოგადოება თვისობრივად განსხვავებული გახდება“.

დისკუსიის დასასრულს, ემირ კუსტურიცამ გააზიარა თავისი მოსაზრება ტრადიციის შესახებ თანამედროვე კულტურულ საზოგადოებაში, კერძოდ, კინომატოგრაფიაში. მისი აზრით, 1970-იან წლებში დასავლეთში გაჩენილმა პოპულარულმა კულტურამ და მისმა ბაზრად აღქმამ გამოიწვია დასავლური კულტურის განადგურება, ნებისმიერი იდეის დაკარგვა. ამის საპირისპიროდ, სერბული და რუსული კულტურები უფრო მეტად კონცენტრირებულია ფასეულობებზე და ადამიანის ღრმა სულიერ მოთხოვნილებებზე, რომელთა შესახებაც წერდა, მაგალითად, ფ.მ. დოსტოევსკი.